

ЛЕНИНЭНЬ КИЯВА

ВЛКСМ-нь Мокшэрзянь обкомонть ды Саранскоень ошонь комитетэнь газетаст

ДЕКАБРЯНЬ

23 чл.

1935 год

№ 137 (488)

ЛКСМ

5-й 10
чл. 10-й

Васень урокнэ

Мокшэрзянь пединститутонь комсомолснь комитетэсь перевыборнэнь ютавомасо невтсь а эрявикс, а мшшсвикс капшамо ды формальной отношения. Перевыборнэнь ушодынзе ЦК-нь серманть получамодо икеле, капшась куроксто прядомс перевыборнэнь ды те капшамонть пачк комсомолонь комитетэсь нолпась ламо грубой нарушения, колызе ВЛКСМ-нь ЦК-нть указаниязо отчетно-перевыборной кампаниянть ютавомасо.

Институтонь комитетэсь ды сонзэ секретаресь Силкин ялгась группасо промкстнэнь ютавынзе атак анокста. Комсомолецтнэнь икеле арасель евтась зярдоды косо кармить ютамо отчетно-перевыборной промкстнэ. Промкстнэнь комсомолецтнэ састь комсомольский билетэме, регистрация эзь веть, посещаемостень журналт арась, протоколтнэ арасель невтсь мик зяро ульнесть промкссонть ломантнеде.

Отчетно-перевыборной кампаниянть ютавомасо ЦК-нь серманть комсомолецтнэ, факультетнэ комсоргтнэ ды группоргтнэ эзизь ловно. Группоргтнэ сермадозь (письменной) докладост арасельть. Кортаст эсист докладост всемеде аламонь—аламонь ды мезеяк вадря эзь ева. Докладтнэнь коряс решениянень тейнесть примерно истят: „Амотова ялганть роботасто кямс“ ды весе. Кодаткак практической предложениат икеле пелев работанть вадрялгавтомасо арась. ЦК-нь серманть коряс, конанть эзизь ловно, эзизь тонэвтне, примаст истямо решения: „примамс сведения ды руководства“. В общем эряви меремс пединститутонь делегатне, тонадсть конкретный ды четкой“ решениянть тейнеме.

Прениясо кортыцятнень валост эзь сермадо, вопрост арасельть. Промкстнэ мольсть 45 минут ды 1 чассто а седе ламо шкас сестэ, зярдоды ВЛКСМ-нь ЦК-сь мерсь ютавомс сынст 5—6 час.

Весе те лиссь пединститутсо секс, што комсомолонь комитетэсь ды сонзэ секретаресь Силкин невтсь перевыборнэнь формальной ды безответственной отношения. Перевыборнэнь истямо безобразной отношенияс корты седе, што комсомольской организациятнень руководствасо улить эшо ломанть, конатне эзь тонадо партиянт ды комсомолонть указаниязо топавтомо.

ВЛКСМ-нь обкомось эсинзэ решениясонзо полавтынзе институтсо перевыборнэнь. Те полавтомась ашти серьезной предупрежденияс весе ошонь ды областной организациятнень, васняткаек ошонь комитетэнь Весе лия первичной организациятнень эряви ловомс неть ильведкстнэнь ды а нолдамс сынст ды ютавомс отчетно-перевыборной кампаниянть ВЛКСМ-нь ЦК-нть директиванзо коряс.

ССР-нь Союзонь Народной Комиссаронь Советэнтъ ды ВКП(б)-нь Центральной Комитетэнтъ постановленияст

Сень кувалт, што Азово-Черноморской краесь, Куйбышевской краесь, Саратовской краесь, Омской областесь, Белорусской ССР-эсь, Азербайджанской ССР эсь ды Армянской ССР-эсь топавыть государственный сюронь максомань иень планост, конань тест максокшнызь СССР-энь Совнаркомось ды ВКП(б)-нь ЦК-ась ды аноктасть эстет видьметь ярвоень видемс,—ССР-нь Союзонь Народной Комиссаронь Советэсь ды ВКП(б)-нь Центральной Комитетэсь тейсть постановления:

Меремс вере евтась республикань, краенъ ды областень колхозтнэнь, колхозниктнэнь ды башка эриця трудицятнэнь олясо (беспрепятственно) микшнемс эсист сюрост (почтсо, зарнасо ды пидезь кшисэ) кооперативной организациятнэнь, истяжо ошонь ды велень базарсо ды чугунокань ки лангонь станциясо.

ССР-нь Союзонь
Совнаркомонь
председателесь
В. МОЛОТОВ

ВКП(б)-нь Центральн
ной Комитетэнтъ
секретаресь И СТАЛИН

1935 иень декабрьнэ 21-це чл

Пятисотенница-орденоноска



СНИМКАСОНТЬ: Мария Демченко, киевской областень, „Коминтерн“ колхозонть звеньевоесь, конась эрва гектарс 500 центнерс Якстерь-каень уражаенть кастамонь кис казезь Ленинэнь орденсэ.

Кода моли отчетно-перевыборной кампаниясь

Педагогической институтонь химико-биологической Факультетэнь 1-це, 4-це курстнэсэ комсомолонь группатнесэ отчетно-перевыборной промкстнэде ВЛКСМ-нь Мокшэрзянь обкомонть декабрьнэ 21-це чинь постановлениязо

1. ВЛКСМ-нь обкомось лови, што Саранскоень педагогической институтонь химико-биологической факультетэнь 1-це ды 4-це курстнэсэ комсомолонь группатнесэ отчетно-перевыборной промкстнэнь ютавомасо теезь ВЛКСМ-ень ЦК-анть указаниязо коламо ды извращения сень эйсэ, што.

а) Отчетно-перевыборной промкстнэсэ эзизь ловно ды эзизь кортавто ВЛКСМ-нь ЦК-анть серманзо олс кочкамотнеде;

б) Группань отчетно-перевыборной промкстнэнь комсомолецтнэ састь комсомолонь билетэме ды промкссонть арасель регистрация; в) промкстнэ ютавтозь капшазь, группоргтнэнь отчетост парсте атак кортавто ды докладтнэ коряс эзь прима кодаткак конкретной практической предложениат;

г) эзь ульне комсомолецтнэнь ды аволь союзной студент-од ломантне ютксо воспитательной роботанть асатыкстнэнь алкуксонь кри-

тика.

II. Те лиссь секс, што ВЛКСМ-нь комитетэсь ды сонзэ секретаресь Силкин ялгась бажасть ютавомс отчетно-перевыборной кампаниянть седе курок, штобу сон аволь меша зачетной сессиянть ютавомантень, тень кувалт ЦК-анть серманзо комитетэнтъкак, комсоргонь ды группоргонь совещаниясоак эзь ульне пророботанной.

ВЛКСМ-ень обкомонь бюрось теи постановления:

1) Педагогической институтонь комсомольской комитетэнтъ ды сонзэ секретарентъ Силкин ялганть отчетно-перевыборной кампаниянть прок формально-бюрократической поведениянть кортавомс группасо меремс ВЛКСМ-нь комитетэнтень ды сонзэ секретарентъ Силкин ялгантень, што бути группасо ды факультетсэ отчетно-перевыборной промкстнэнь ютавомасонть седе товгак улить нолдэз истят факт, ВЛКСМ-ень обкомось таргасынзе

сынст союзной строгой ответственностьс ВЛКСМ-нь ЦК-анть указаниязо прок коламонь ды мезеккак а ловомань кис.

2) Педагогической институтонь химико-биологической факультетэнь 1-це ды 4-це курссо комсомолонь группатнесэ отчетно-перевыборной промкстнэнь, конат ютавтозь ВЛКСМ-ень ЦК-анть указаниязо колаз—полавтомс. Меремс пединститутонь комсомолонь комитетэнтень неть группатнесэ одс ютавомс отчетно-перевыборной промкстнэнь ВЛКСМ-нь ЦК-анть указаниязо коряс.

3) Меремс ВЛКСМ-нь ошонь комитетэнтень проверямс, кода ютавтозь отчетно-перевыборной промкстнэ пединститутонь лия группатнесэ ды результатнэнь кортавомс ВЛКСМ-нь ошонь комитетэнтъ бюросо.

4) Те решениянть печатакс газетс.

ВЛКСМ-нь обкомонь секретаресь А. Иванов.

Вадря промкс

Отчетно—перевыборной промкстнэнь ютавомасо 3-це курссо „В“ группань комсомолецтнэ кармасть содамо декабрьнэ 17-це чистэ.

Промкссонть аноктасть группась, аноктасть эрва комсомолецтнэ.

Декабрьнэ 21-це чистэ, занятитнэнь прядомадо мейле, 4 часосто весе комсомолецтнэ 100 проц. пурнавсть географиян кабинетэнтъ.

тень. Весе комсомольской билетэст марто Беззубов комсоргось васняткаек ловнызе ВЛКСМ-нь ЦК-нть серманзо, мейле сермадозь отчетонть коряс тейсь аволь покш доклад. Промксось мольсь 2 часодо ламо. Ютась иктивнасто. Весе котонест комсомолецтнэ кортнесть прениясо. Деловой предложениатне ульнесть сермадозь протоколнть решенияс.

ПРОПАГАНДИСТЭНЬ КУРСТ

ВЛКСМ-нь обкомонть решениянзо коряс Кочкуровань районсо панжсть комсомолсо партиян историянть тонавтнеманзо коряс пропагандистэнь анокстамонь омбоце пель ковонь курст.

Курстнэсэ тонавтнеть всемезэ 32 ломанть, сынст ютксо вете тейтерь-ават. Занятияне молить парсте.

Кавкайкин.

РЕВОЛЮЦИАНТЬ УРОКОНЗО

В. И. ЛЕНИН

Ютасть вете иеть се шкадонть мейле, кода 1905-це иень Октябрысто Россиянь робочей класось тейсь васень пек виев вачкодевкс инязоронь самодержавиянтень. Пролетариатось кепедсь неть ине читнестэ миллионт трудият сынст лепштицянтень каршо бороцямо. Сон 1905 иень зяряк ковань перть вийсэ сайсь истят вадрякстомат, конань робочейтне кементь иеть тцетно учость „начальстванть“ пельде. Пролетариатось завоевал весе русской народонть коть нурькине шкас, Русенть лангсо атак некшнек печатень, собраниянь, союзтнень оля-чи. Сон теньсизе эсь ки лангстонзо поддельной Булыгинской Думанть, нельгсь инязоронть кедьстэ манифест конституциядонть ды вестэ зрва зярдонень теизе аволь возможноекс Россиянь тевень велямонть представительной учреждениато.

Пролетариатонть ине изнявкстнэ лиссть пель изнявксоск секс, што инязоронь властесь эзь ульне ертозь. Декабрянь восстаниясь прядовсь восстаниянь лепшямосо, ды инязоронь самодержавиясь кармасть мекев сайнеме вейке вейке мельга робочей класонть пельде изнявкстнэ сень коряс, кода лавшомгадсь сонзэ пельде натискесь, лавшомгадсь массанть ендю бороцямось. Робочей стачкатне, крестьянонь ды солдатонь волнениятне 1906 иестэ ульнест пек седе лавшот 1905-це иенсетнень коряс, но яла теке сынэ ульнест эщо пек виевть. Инязорось пансизе Васень Думанть, конань шкасто таго кармакшнось касомо народонть пельде бороцямось, но эзь сато смел-чизэ сеске лиякстомомс кочкамонь законотъ. 1907-це иестэ робочейтнень пельде бороцямось седеньгак пек лавшомсь, ды инязорось, Омбоце Думанть пансемадо мейле тейсь Государственной переворот (1907 иень июнень 3-це чистэ); сон полавтынзе эсинзэ сех торжественной алтнеманзо, што а нолднемс Думанть согласиятомо вейкеяк закон ды лиякстомтызе кочкамонь законотъ истя, што Думанть седе ламо пельксэсэ наverka сатокшнось помещиктнэнь ды капиталистнэнь, черносотенецтнэнь партиантень ды сынст прислужниктнэнь.

Революциянт изнявксонзояк, пораженязояк макссть русской народонть ине исторической урок. 1905-це иень вете иень годовщиназо чествовамсто, снартанок чаркодемс эстенек неть уроктнэнь главной содержаниясь.

Васень ды основной урокось—се, што ансяк массатнень революционной бороцямось может саеме зняряк серьезнойт вадрякстомат робочееь эрамсонть ды государствань велямонть. Робочейтнень тонавтозь ломантнень пельде кодамояк „седей марямось“, башка террористнэнь кодамояк геройской бороцямось эзь машто калавтоманзо инязоронь самодержавиянтъ ды капиталистнэнь всевластиянтъ. Ансяк робочейтнень эсис бороцямось, ансяк миллионтнэнь вейсэнэ бороцямось мог теемс тень, ды зярдю истямо бороцямось лавшомгалесь, сеске жо ушодовкшновсь сень нельгемась мезе робочейтне сакешнест Русской революциясь кемекстызе сень, мезень кувалт морыть весе масторлангонь робочееь морсонть:

„Ни кто не даст нам избавленья,
Ни бог, ни царь и ни герой.
Добьемся мы освобожденья
Своею собственной рукой“.

Омбоце урокось—се, што инязоронь властенть сеземась, сонзэ кирьямось а саты. Сонзэ эряви истожамс. Зярс инязоронь властесь атак истожа, инязоронть уступканзо эрва зярдю кармить улеме аволь кеметь. Инязорось макснест уступкат, зярдю революциянь эземась виемгалесь, ды сайнинзе мекев весе уступкатнень, зярдю эземась лавшомгалесь. Ансяк демократической республикань саемась (завоеваниясь), инязоронь властень ертомась, народонь кедьс властень ютамось, может менсямсонзо Россиянт чини-вниктнэнь лепшямодонть ды произволдонть, черносотенно-октябристкой Думадонть, велесэ помещиктнэнь ды помещикень прислужниктнэнь всевластиядонть. Бути крестьянонь ды робочееь пишематне теевсть ней революциядонть мейле, икелень коряс седеньгак какс, то те пандома сень кис, што рево-

люциясь ульнест лавшо, што эзь ульне ертозь инязоронь властесь. 1905-це иесь, теде мейле жо васень кавто Думатне ды сынст пансемась тонавтызь народонть пек ламос,



тонавтызь икелевгак политической требованиянтень кисэ вейсэ бороцямо. Народось политической эрямонть сыргозезь, васня вешсь самодержавиянтъ пельде уступкат: штобу инязорось тердевелъ Дума, штобу инязорось ташто министратнень полавтовлинзе одсо, штобу инязорось „максаволь“ ве сень кочкамонь прават. Но самодержавиясь эзь моле ды не мог молексак истямо уступкас. Уступкатнень кувалт вешеманть каршо. Самодержавиясь отвечась штыкс. Ды сестэ народось кармасть само превсамодержавной властень каршо бороцямонть эрвиксэнзэ кувалт Ней Столыпин ды раужо господской Думась эщо седеньгак виевстэ совавтыть, можна меремс, те чаркодеманть крестьянтнэнь пряс. Совавтыть ды совавтысь.

Инызоронь самодержавиясь истя жо сайсь эсинзэ туртов урок революциянтъ. Сон неize, што инязоронть эйс крестьянтнэнь ендю кемеманть лангс кемемс а кода Сон ней кемексты эсинзэ властень черносотенной помещиктнэнь ды октябристкой фабрикантнэнь марто союзонть вельде. Штобу ертомс инязоронь самодержавиянтъ, ней эряви революционной массовой бороцямонь седеньгак виев натиск 1905-це иенсенть коряс.

Может ли улеме истямо седеньгак виев натиск? Те кемекстеманть лангс ответсь вети эйсэнек революциянь колмоце ды сех главной уроктнэнь. Те урокось ашти сеньсэ, што минь неинек, кода действуют русской народох эрва кодамо класстнэ. 1905-це иеденть икеле ламонень неивсь, што весе народось вейкедстэ бажи олянтень ды веши вейкедстень оля-чи; сави меремс, пек ламотнень эзь ульне кодамояк парсте чаркодемас сеньсэ, што русской народонь аволь вейкетъ класстнэ аволь вейкедстэ ванить оля-чинть кисэ бороцямонть лангс ды вешить аволь вейкедстень оля-чи. Революциясь пансизе туманотъ. 1905-це иень меельсэ шкастонзо, мейле истя жо Васень ды Омбоце Думань шкастонь русской обществань весе класстнэ лиссть наив Сынэ невтизэ эсь прят тевсэ, ливтизэ лангс кодемот сынст алкуксонь бажамост, мезень кис сынэ могут бороцямо ды кода виевстэ, кеместэ, энергичнойстэ способнойт сынэ бороцямо.

Фабрично-заводской робочейтне, промышленной пролетариатось ветясь сех решительной ды сехте кемэ борожамо самодержавиянтъ каршо. Пролетариатось ушодызе революциянт январень вейксэе чистэ ды массовой стачкасо. Пролетариатось, 1905-це иень декабрысто крестьянтнэнь кисэ, конатнень эйсэ леднест, чавсть мушаст, вооруженной восстаниянь кепедемасо, бороцямонть ветизе пес. Бастовиця робочейтнеде 1905-це иестэ ульнест колмошка миллионт (чугункань ки лангсо роботыятне марто жо, почтань служащейтнень ды лиячень марто,

паряк, нилешка миллионт), 1906-це иестэнтъ—вейке миллион, 1907-це иестэнтъ миллионъ $\frac{1}{2}$ пелькст. Стачной движениянь истямо вийть эщо эзь некшне масторлангось. Русской пролетариатось невтизе, кодамояк атак ушодт вийть аштить робочей массатнесэ, зярдю кенерькшни алкуксонь революционной кризис. Весе масторлангсонть 1905-це иень сехте покш стаччной волнась, ламодо эщо не исчерпал пролетариатонь весе боевой вийтнень. Примеркс, Московонь фабричной округсонть ульнест фабрикань ды заводонь робочейтнеде 567 тышат, стаччиктнэде—540 тышат. Петербургскойсэнтэ жо—300 тышат фабрикань ды заводонь робочейтэ, 1 миллион стаччикт. Лиси, Московской райононь робочейтне эщо ламодо эзизь касто бороцямосонть истямо упорстванть, кода петербургскойтне Лифляндской губернясо жо (Рига ош) 50 тышат робочейс ульнест 250 тышат стаччикт, лиякс меремс, эрва робочееь 1905-це иестэ бастовась среднейстэ ветеде ламоксть. Ней весе Россиянтъ фабрикань, горной ды чугуной ки лангонь робочейтнеде колмо миллиондо кодаяк а седе а ламо, ды те цифрась эрва иене яла касы; движениянь истямо виев пингстэ, кодамоль 1905-це иестэ Рига ошсо сынэ могли бу аравтомс 15 миллион стаччиктень армия.

Истямо натискень каршо кодамояк инязоронь властэ аволь шидярдю бу. Но эрвась чаркоди, што истямо натискесь а кода теемс искусственна, социалистнэнь эли икеле молия робочейтнень мелест коряс. Истямо натиск может улеме ансяк сестэ, зярдю весе масторонть сайсы кризис, мельс апаро, революция. Штобу анокстамс истямо натиск, бороцямо эрвять таргамс сехте удалов кадовозь робочееь слойтнень, эрви ветямс иеть ды иеть упорной келей, атак лотксе пропагандистской, агитационной ды организационной робота пролетариатонь эрва кодамо союзонь ды организациянь теезь ды кемекстэ.

Россиянь робочей классось бороцямонь виев кувалт аштесь русской народонь весе остатка класстнэнь коряс сехте икеле. Робочееь эрямонь условиятне сынэ теить эйсэст способноекс бороцямонть ды тулкадитъ бороцямос. Капиталось пурны робочейтнэсэ покш массасо покш оштнэва сюлми эйсэст вейс, тонавты сынэ вейсэнэ действителенень. Эрва эськельксэнтэ робочейтне эшксевить чамодо-чамас эсь главной врагост марто—капиталистнэнь классонть марто. Те врагонть каршо бороцязь, робочееь тееви социалистэкс, пачкоди сознаниясь, што эрви допрок одс: теемс весе обществанть, допрок истожамс эрва кодамо ништей чинть ды эрва кодамо лепшямонть. Социалистэкс теевезь робочейтне эсь прянь атак жалая, бороцить весемень каршо мезе ашти сынст кист икеле, ды икелевгак инязоронь властень ды крепостник-помещиктнэнь каршо.

Крестьянтнэ революциясонть истяжо лиссть бороцямо помещиктнэнь каршо ды правительстванть каршо, но сынст бороцямось ульнест пек седе лавшо. Ловозь, што революционной бороцямос, стачкасо участвоватъ фабрика-робочейтнэстэ седе покш пелькс—(малав $\frac{3}{5}$ пельксэст), крестьянтнэстэ жо, нама, седе вишкине пельксэсэ! паряк вейке ветецекс пельксэстэ эли вейке нилецекс пельксэнтэ а седе ламо. Крестьянтнэ бороцязь седе лавшосто, седе срадозь, седе аволь сознательнойстэ, аволь чуросто яла эщо кемсть инязор-батюшканть паронь арсеманзо лангс. Крестьянтнэ 1905-1906-це иетнестэ, эрви меремс, ансяк тандавтнэнь инязоронть ды помещиктнэнь. Сынст жо эрвять аволь тандавнемс, сынст эрвять истожамс, сынст правительстванть инязоронь правительстванть—эрви нармакс масторонть чамасто. Ней Столыпин ды раужо, помещикень Думась бажить теемс сюлав крестьянтнэстэ од помещикт хуторянт, инязоронь ды черной сотнянь союзникт. Но ков инязорось ды Думась седе пек лезды сюлав крестьянтнэнь розорямс крестьянонь массанть, тов седе сознательнойкс тееви те массась, тов седе аламо кадови эйсэнтэ инязоронть кемема, крепостной урень кемема, лепшязь

(Лезэ 3-це страницасо)

Од тейтерь-авань конференциянь делегаткатненень максозь казнеть

Од тейтерь-авань республиканской конференциясонть ВЛКСМ нь обкомось ды мокшэрзянь республикань ЦИК-есь макссть казнеть сех вадря делегаткатненень, конатне эсист колхозной производствасо роботасть ударнасто, честнасто.

Весемезь макссть казнеть 35 од тейтерь-аванень. Макстнесь стамо машинат, пальтат, патефонг, ботинкат, лыжной костюмт ды лият.

Вана Пиксайкина Маруся, Краснослободской райононь, Молотов лемсэ колхозонь од тейтерь, роботы колхозсо свинарькакс, те иень тейсь 475 трудо-чить. Получась казнекс стамо машина.

Ошкина Ага, Торбеевань район-

сто, трактористка, получасть стамо машина.

Мартыхина Катя, комсомолка, роботы Инсаронь районсо колхозонь председателъкс, казезь стамо машинасо.

Терешкина Аганень макссть ботинкат. Сон роботы колхозсо ваз мельга якишякс Иень перть тейсь 500 трудо-чить

Казезь Кочкуровань районсто Карпунькинань-пальтасо, Солдаткинань лыжной костюмсо. Дубенской районсто Киушкинань стамо машинасо. Чамзинкань районсто Грошевань гитарасо. Ичалкань районсто Рузайкинань патефонсо ды лиань.

Ед-н.

Кода минь роботынек

1935 це иестэ Желябов лемсэ совхозсонть роботамон ушодыа эмеж-пиретчестэ сорной тикшетнець каршо бороцямосонть. Роботынек весе вейсэ. Тевтне эсть мольть; кода иля робота—получат зняро жо, зняро получить весетне.

Кортан бригадирэнтень: „кунсолук, ялгат, истя тевесь а туи“.

— Кода энэ тон арсят?—кевкс-тимем бригадирэсь.

— Вана кода,—отвечан мон—дай монень башка участка, мон ськамон карман роботамо.

— Участка теть максан, но истя роботаць тон нормат пелензэяк а топавтсак—пейдезь отвечась тень бригадирэсь.

Омбоце чистэнь роботамо ли-

синь весе марто вё шкасто, роботамгак прядыа истя жо. Но теинь мон лиятнеде нилексть седе ламо.

Сдельнасто роботась кастызе монь зарплатам 75 целковойстэ 115 целковойс. Ис я жо кассь зарплатаст остаткатненъгак.

Монь, прок соцпелъкстамонь ушодыцянть дирекциясь казимем 150 целковойсэ ды оймсема кудос путекас.

Ней урядатано капста прят. Нормам истя жо топавтнян 200 процентс ды эсь ладсон роботамо терпян районной од тейтерь-авань омбоце конференциянь делегатканть. Ивашкина Ленань „Верной путь“ колхозсто).

Окся Марьяна

Казизь... валсо

Дубенка. Ноября 7 це чистэ „Красный пахарь“ колхозонь правлениясь (председателесь Гулягин), казинзе эсинзэ знатной ломанензэ ударникензэ. Весе ударниктнень марто ульнесь казезь ярмаксо од тейтергненьяк—Юргайкина, Павлова, Чернова ды лиятне.

Шкась ютась уш ламо, но казнень таркас ударниктне получасть... ансяк алтнемат, чаво валт.

Ив. Ярославкин.

Назарова Фаянь роботазо

Чамзинка. Трокушкуж велес сась клубной од работница Назарова Фая. Фаянь самодо икеле клубсонть арасель кодамояк робота, скушнасто эрясть од ломаньтне.

Ней жо тевесь тусь овси лиякс. Васень читнестэ жо, Фая образцовыйкс теизе клубсо роботанть; организовась драматической, хоровой ды лия кружокт Эрвз чокшне клубсонть эрить газетань ловномат, массовой налксемат, танцт ды лият. Клубось ванькс, вал-

до, лембе. Стенатнесэ плакатт ды лозунгт.

Сон эзь юта комсомольской организациинь ваксаяк. Фаянь лездамосо пурназь членской взнознэ, ладязь политгоснавтнемань кружоконть роботазо.

Од ломаньтне эрва чокшне якить клубов. Сынесть клубось тевесь сехте вечкема таркакс.

Ив. Бояркин.

Анокстыть каникулатненень

Ичалки. Ташто Пуза велень аволь полной школоса, комсомольской ды пионерской организациятне кармасть анокстамо телень каникулатненень.

Сынь эсист вийсэ анокстыть каток. Драматической, хоровой, музыкальной, физкультурной ды лия кружоктнэ сермадсть каникулань ютавомсто культобслуживаниянь плант.

А. Марк



СНИМКАСОНТЬ: Анастасия Андреевна Костина колхозница—Рыбкинань райононь Шубриков лемсэ колхозонь ударницась, ванкшны МАССР-нь пчеловодной хозяйстванть альбомонзо.

РЕВОЛЮЦИАНТЬ УРОКОНЗО

ды чопода ломанень кемема. Эрва иестэ яла седе ламолгадыть велесэ велень рабочейтнеде,—сынесть а косто вешнемс прянь ванстома, кода ансяк ошонь рабочейтнень марто вейсэнъ бороцямонь кисэ союзсо. Эрва иене велесэ яла ламолгадыть розорязь, педес-пес нишейгадыця, вачо эриця крестьянтнеде,—эйтэст миллионт ды миллионт сыргить, зардо кепети ошонь пролетариатось, седе решительной седе сплоченной бороцямос инязоронть ды помещиктнень каршо.

Революциясонть примсесь участия истя жо либеральной буржуазияськак, лиякс меремс, либеральной помещиктнэ, фабрикантнэ, адвокатнэ, профессортнэ ды лиятне. Сынь аштит „народной свободань“ партиясо (к-д, кадетт). Сынь ламо алтнесть народонтень, ды ламо пижнесть оля чиденть эсь газетасост. Васень ды Омбоце Думатнесэ депутатнэстэ седе ламотне ульнесть сынт эйтэ. Сынь алтнесть „мирнойстэ“ теемс оля-чи, сынь чу мондсть робочеень ды крестьянонь революционной бороцямонть. Крестьянтнэ ды ламот крестьянонь депутатнэстэ („трудовиктнеде“), кемсть неть алтамотненень ды мольсть сэтгместэ ды кунсолос, либералтнэнь мельга, пролетариатонь революционной бороцямонть ве енов туезь. Теньсэ аштесь крестьянтнэнь (ды ошонь ламо эрицятнень) сехте покш ильведевксэст революциянь шкастонть. Либералтнэ вейке кедьсэ ды теяк пек ды пек чуросто, лездасть оля чинь кисэ бороцямонть, омбоце кеденть жо эрва зардо венстасть инязоронть, алтасть теньсэ ванстамс ды кемекстамс сонзэ властень, мирявомс крестьянтнэнь помещиктнэнь марто, сэтгемелгавтомс „буйной“ рабочейтнень.

В. И. ЛЕНИН

Зардо революциясь пачкодсь инязоронть каршо решительной бороцямос, 1905 це иень декабрьской востаниянтень, целом весе либералтнэ тейсть подлой измена народонь оля-чинтень, тусть бороцямонть эйтэ. Инязоронь самодержавиясь нолдызе эсь лезэс либералтнэнь пельде народонь оля-чинь те предательстванть, нолдызе эсь лезэс крестьянонь чопуда-чинть, конатне ламонь кувалт кемсть либералтнэненъ ды тапинзе восставшей рабочейтнень. Зардо жо пролетариатось ульнесь тапазь, кодамояк Думат, кадетнэ кодамояк тантей валт, сынт пельде копаткак алтнемат эзизь кирде инязоронть оля чинь весе кадовиктнэнь истожамодонть, самодержавиянь ды крепостник-помещикень всевластиянт мекев аравтомадонть.

Либералтнэ кадовсть манязекс. Крестьянтнэ сайсть стака, но лезэв урок. А улэмс Русенть лангсо оля-чинтень, зарс народонь келей массатне кемить либералтнэненъ, кемить инязоронь властень марто „мирнэ“ возможность, ве енов туить робочеень революционной бороцямонть эйтэ. Кодамояк вий масто-

ронть лангсо а кирдсь Россиясо оля-чинь самонть, зардо кепети бороцямос ошонь пролетариатонь массась, шаштсынзе ве енов кавтолдыця ды предательской либералтнэнь, ветясынзе эсь мельганзо велень рабочейтнень ды розорязь крестьянстванть.

Но, што Россиянь пролетариатось кепеди истямо бороцямос, што сон таго ары революциянтень пряттокс,—тень кисэ максни ручательства Россиянь весе экономической положениясь, революционной иетнень весе опытьсэ.

Вете иеть теде икеле пролетариатось тейсь васень вачкодевкс инязоронь самодержавиянтень. Русской народонть туртов шитергадсть оля-чинь васечь струят (лучи). Ней таго аравтозь инязоронь самодержавиясь, таго азоркс аштит ды ветить крепостниктнэ, таго эрва косо рабочейтнень ды крестьянтнэнь лангсо моли насилия, эрва косо моли властнень азиатской самодурства, народонть лангсо подлойстэ нарьгамо. Но стака уроктнэ а еमितь стяко. Русской народось аволь се, кона ульнесь 1905-це иеденть икеле. Пролетариатось тонавытзе сонзэ бороцямос, Пролетариатось ветясы сонзэ изнямос.

(Ленин XIV том 339-373 страницат. 1929 иень издания)

„Парижской предложениатне допрок калмазь“

Чамзинкань район. „Борьба за социализм“ колхозонтэ вейке ку досо кавто иеть уш эрять колмо уроз тейтерть. Сынъ тонавтиять начальной школасо: Вера Горячева 4-це класо, Вера Чиркова—3-це класо, Паша Пузанова—2-це класо. Эрвастась эсинзэ классонтэ сех паро тонавтиция. Сынъ колмонест вейсэ анокстыть урокосткак, лездыть вейкест-вейкест туртов. Нетъ колмо уроз тейтерькатне школасо невить сех паро дисциплинань, эсь прань ветямонь, ялганень-оянень отношениань примерт. Сынъ парсте роботыть школасонтэ общественной роботасо.

Нетъ уроз тейтерькатне—аволь вейке тетянь-авань, но сынъ вейсэ эрять прок родной патят-сазорт. Ламот сынст ловитькак патякс-сазорокс. Парсте аравтызь кудожюксо эсь эрямост, сынъ ветить эсист хозяйства, сынъ теить кудожюксо весе тевест. Дружнат, вечкит эськаст, а севнокшныть.

Пек лезды тест „Барьба за социализм“ колхозось. Колхозось тейсэ тест весе эрвякс условият. Макснотест сатышка ярасмо-пель, уксипенгт. Рамась тест паро оршамогель. Ялга ютксо сынст а сывадыть сельмест, а мерить, што минь оршазьдыно сех беряньстэ. Улить неень шкане ломанькс эрямонь весе условият, улить весе условият сень кис, штобу тонавнемс, лисемс минек родинантень лезэнь кандыця ломанекс.

Пек покш тасиба евтыть тейтерькатне колхозонтэ. Колхозстомонтэ бу сынъ емавольт, кияк бу аволь карма кисэст мелявтомо. „Борьба за социализм“ колхозось алкукс топавты партиянтэ ды правительстванть решеният беспризорстванть ды безнадзорностентэ маштомадо.

И. Шагалкин.

Урозонь семия

Чамзинка. Бискаев Н., Бискаев И. ды Бискаев В. эйкакштнэ эрять вейке кудосо. Тетяст-аваст ульнест колхозникт, но сынъ кулост. Эйкакштнэ кадовсть эрямом покш ломаньтеме.

Ней сынст кудост якшамо, пенгест арасть. Арасть истяжо одижаст ды карьсема-пелесткак. Сынст эйстэ вейкесэ „ки школав. Тонавтни васеньце группасо.

Те семиясь эри Мокшолей велень советанть сельме икеле. Теде содытсэ жо колхозонь правленияськак. Но кияк а капиши максомс нетъ урознэненъ эрямонь ды тонавнемань паро условият.

Т. Скупневский.

Истяткак тевть эрять

Дубенка Кобай велень полной средней школасонтэ жарыя тонавтицият арсесть совамакс комсомолс. Москалев, Седойкин ды лиятне мик анкетаткак ды заявляенияткак сермалесть: сынст комсомолонь организациясь комсомолскак примсинзе. Эрвась эщо нетъ материалтнэнь кучомс райкомов. Но весе анкетатне, заявляениятне протоколтнэ ды лия документнэ комсоргонтень А. Чекашкиннэнь эсть пачтывт райкомов. Сон сынст юмавтиннэ. Нетъ од ломаньтне-нень савкшнось одс максомс заявляеният. Сестэкс тевенть педепес эзизе пачтя комсомольской волокитчикесь Чекашкин.

Од ломаньтне нейгак аволь комсомолецт. Чекашкин жо оргодсь Дубенкань полной средней школав. А. Панчайкин.

Лия мастор марто тевень ветямонь английской министерэсь хорды Франциянь правительстванть прывтось Лаваль тейсть проект Итало-абиссинской войнанть лотковтоманзо коряс. Те проектэнтэ коряс войнанть лоткавтыксэлизь Италиянь пользас Абиссиниянь явшезь. Италиясь те предложенианть примизе. Абиссиниясь жо ульнест ды нейгак ашти войнанть лоткавтомань те проектэнтэ каршо.

Декабрянь 19-це чистэнтэ Англиянь парламентсэнтэ кортавотель Хоронь ды Лавалень проектэсь. Прениясо кортамсто Хор эрва кода снартнест ванстомс се проектэнтэ, конань сынъ Парижэ теизь Лаваль марто.

Лейбористской партиянь представителесь Эттели вешсь, штобу допрок отказамс Хоронь—Лавалень планонтэ эйстэ.

Абиссинской вопросонтэ Англиянь правительстванть политиканзо пек критиковась эсь кортамосонзо парламентэнь влиятельной депутатось Синклер.

Мейле кортась Англиянь правительстванть прывтось Болдуин Сон ловизе ильведькэкс сень, што Англиянь правительствась кемекстызе

Хоронь действиянзо ды тешкстызе, што сон эзь учне покш мельс апаро эрва ендом, мик сонзэ ялганзо-оянзо ендом. „Парижской предложениатне,—мерсь Балдуин,—допрок калмазь, ды Англиянь правительствась овси ай арси теемс мезеяк сень кис, штобу сынст мекев вельмевтемс.

Парламентэсь примась резолюция конань кисэ мольтэ 390 вайгельтэ ды каршо 165 вайгельтэ. Резолюциясонть мерезь, што „эрва кодат условиятне, конат улить теезь итало-абиссинской конфликтэнтэ решамоно кис, васняк улест приемлемойть нациянь Лигантень“. Резолюциясонть истя жо мерезь, што парламентэсь максы правительстванть вал, што сон карми целанек лездемо сонзэ лия мастор марто (внешней) политикантень, конань правительствась евтызе манифестэнтэ Англиясо аволь пек умом парламентсэ кочкамонь кампаниясонть. Те манифестэнтэ Балдуинэнь правительствась макссь вал—эрва кода лездеамс нациянь Лигантень ды примамс участия мирэнь коламонть каршо сонзэ (Нациянь Лигань) члентнэнь коллективной действиятнесэ.

Кие ответы Себятень кис

Селяев Себятень ульнест коти иеть, жардо кулось родной авазо. Иень ютазь тетязо сайсь од ава. Себятень родной аванть куломало мейле кадовкшнось улизэ парозо (одежанзо), конат алтазельтэ Себятнень. Вана те ули паронтэ кисэ од авасэ эрва кода нарьгась сонзэ лангсо.

Тетязо кудос эрсьекшнест чуросто, яксесь роботахномо сторонав. Те шканть самай Себятнень эрямось ульнест сехте стака, сехте сельведев. Од авасэ жо тейсэ эсь тевензэ. Весть Себятень ежонзо маштомс чавизе палкасо ды ертызе каськас. Но сонзэ уцяскас годявсть шабрань ават ды зверь, хищик аванть кармавтызь каськасто эйкакшонть таргамо.

Вана кода ютась Себятень эйкакш пингезэ, конадом савсь тензэ туемс эсинзэ родной, татаронь велестэнтэ ды 1935 иестэ, телень вейке якшамо чокшнестэ сон, Себят Абрамович, совась Атяшева велень колхозонь васень бригадас, косо седейшкава вастызь сонзэ конюхтнэ ды кизой кадовсь роботаможк.

Ютась ие. Ды, Себять колхозсо честнасто роботазь тейсэ 130 трудчитэ ды получаць ламом суро. Те Себятень эрямом ульнест васеньце эськелькс. конань васеньцеде весе пингезэ перть теизе колхозсо, вейсэ роботазь, валдо, весела эрмонть.

Ней Себятень ули сурозо, улить оршамом-карсема пелензэ, но Себять те шкас эщо аволь грамотной. Сон те шкас соды ансяк вейке робота ды кой-костом якси киякснеме, налкиси кознасо ды лият. Ды сон а кона ендом чумондомскак. Чумось Атяшевэнь комсомолонь организациясь, кона те шкас эщо а соды, што васеньце бригадасо ули уроз, колхозонь производствасо неявикус ударник. сермас а содыця од ломань. Чумо комсомолонь райкомоськак секс, што сон те тевдентэ соды, но а заботи, а ответы те урозонть, од ломаньтэ кис, сонзэ сермас а содамонзо, сонзэ культурно а касоманть кис.

Т. Ра танов

Витевкст

„Ленинэнь киява“ газетасонть декабрынь 21-це чинь номерсэнтэ „комсомолонь руководящей органтнэнь отчетно-перевыборной кампаниядонть“ ВЛКСМ-ень ЦК-анть серманзо печатамсто теезь ильведькст. Васеньце полосасонть керш ендом селмосе колонкасонть алдо 23—22-це стр. сермадозь: „Сынст марксистско ленинской мировоззрениянь воспитаниясь“... Эряви ловномс: „сынст эйс марксистско ленинской мировоззрениянь воспитаниясь“. Керш ено васеньце колонкасонть, верде 19—20—21-це строчкатнесэ сермадозь: ВКП(б)-нь ЦК-анть ды Сталин ялганть указанианзо топавтозь, конат максозь сынст пельде комсомолонтень“... Эряви ловномс: „ВКП(б)-нь ЦК-анть ды Сталин ялганть указанианзо

топавтозь, конатнень сынъ максозь комсомолонтень... Теке жо колонкасонть алдо 1—2-це стр. ды омбоце полосасонть керш ендом васеньце колонкасонть 1-2-3-це стр. сермадозь: „...ВЛКСМ-ень эрва членэнтэ участиясь седе товган улезь руководствас икелев молиця тевень содыця, сехте паро комсомолецтнэнь ды комсомолкатнэнь выдвижениясь“... Эряви ловномс: „...ВЛКСМ-ень эрва членэнтэ участиясь должен обеспечить икеле молиця, деловой, сех вадря комсомолецтнэнь ды комсомолкатнэнь икеле-пелень выдвижениясь“...

Абиссинецтнэ мекев саизь Макале ошонтэ

Итало-абиссинской войнань северной фронтсонть ушодовсть пек виев броженият. Такказе леентэ районсо бойтне мольтэ колмо чить. Абиссинецтнэ маштнест малав 1500 ломаньстэ итальянской войска, захватясть 4 танкат овси апака, 6 орудият, 300 винтовкат, патрон марто ламом ящикт, ды 40 апака кола пулеметт. Абиссинской войскактнэстэ емавтозь—вейке тышадом ламом маштозь, малав 2 тышат ранязь.

Германиянь газетатне пачтит куля Абиссинской источниктнэстэ седе, што Абиссинской войскактне занизь Макале ошонтэ—Тигре северной провинциянтэ столицанзо.

Италиянь газетатне сермадыть, што абиссинецтнэнь меельсэ бойтнесэ ульнест од образецнэнь винтовкаст, ламом пулеметост, гранатаст ды действиянь пек покш вий марто бельгийской автоматической ружияст.

Бенеш кочказь Чехословакиянь Республиканть президентэкс

Чехословакиянь Республиканть иелень президентэсь Масарик тусь отставкас.

Ней Чехословакиянь Республиканть президентэкс кочказь д-рось Эдуард Бенеш.

Хор тусь отставкас

Лондон. Декабрынь 18-це чистэнтэ, лондонской шканть коряс чокшне 10 чассто нолдазель истямо официальной сообщения: „Сэмюэль Хор макссь премьер-министрантень энялдома седе, што сон туи отставкас лия мастор марто тевень ветямонь министрань постсонть, те энялдомась примазель.

Хор тусь отставкас.

Кавто организацият, кавонест а роботыть

„Ленинэнь киява“ газетанть декабрынь 9-це чинь номерсэнтэ истямо заголовка ало ульнест сермадозь заметка Кобай велень (Дубенкань район) комсомолонь организациянтень берянь роботадо.

Комсомолонь организациятне те заметканть толковизь ды тешкстэсть практической мероприятият асатыкшнэнь маштомист коряс. Территориальной организациясь примеркс. тейсэ решения рамамс сокст, ГТО-нь значекс телень норматнень максомо. Берянь ансяк се, што производственной организациясь эщо эзь кунда роботасонзо асатыкшнэнь маштомо конань лангс неавсть „Ленинэнь киява“ газетась.

ПОЧТАНЬ ВЕСЕ ОТДЕЛЕНИ- ЯТНЕ ДЫ СЕРМАНЬ КАНТ- ЛИЦАТНЕ

УШОДЫЗЬ „ЛЕНИНЭНЬ КИЯВАС“ ПОДПИСКАНЬ ПРИМАМОНТЬ

Подпискась примами 1936 иентень. Газетанть питнезэ: 1 ково 60 тр., 3 ково 1 ц. 80 тр., 6 ково 3 ц. 60 тр. ды иезэзэ 7 ц. 20 тр. 1—3

Ответ. редакторсь М. ЛЮБАЕВ